



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Timor domini sanctus, permanens in seculum seculi, Iudicia domini uera
iustificata in semetipsa.

urn:nbn:de:hbz:466:1-37005

deus, nisi maiorem iram & peccatum. Sic lex quoque operatur in omnibus hominibus, donec extra uoluntatem eorum est, non est autem in uoluntate eorum, nec uoluntas eorum in ea, donec diligatur, & hoc ametur quod lex precipit.

Timor domini sanctus, permanens in seculum seculi, iudicia domini uera iustificata in semetipsa.

Hebreus proprie habet: Timor domini purus seu mundus, Nec hoc dicitur, uelut epitheton (ut uulgo sentiunt) quo discernatur a timore seruili, quantum ego capio, sed timor domini simpliciter hic accipitur, pro timore dei, quem titulo laudis demonstrat, per Euangelium fieri, in cordibus calore uerbi ardentibus, purum, qui in omnibus alijs est impurus, id est habet impurus, Quod facilius intelligimus, si de timore & puritate eius obiectiue uersum hunc dictum accipimus, ad modum quo de omnibus predictis disputauimus. Sic enim & lex domini simpliciter accepta, immaculata est, sed non nisi immaculatis, nocentibus autem est nocens & odibilis. Sic testimonium domini fidele, pijs, sed impijs, infidele, ita preceptum domini, electum electis, reprobum autem & abiectum reprobis, ita & hic, purus referri debet non ad timorem ipsum, sed ad affectum eorum, quibus purus iudicatur, qualis enim quisque est, talis est ei & lex, & quae legis sunt.

Nonum igitur est, Timorem domini esse purum, ubi hypocritae & ipsi fingunt se timere deum & puros esse in timore domini, cum sint bis impuri, & in corde reuera eum contemnant. Alij uero impuritatem suam non ignorantes, sentiunt se non timere deum, mallentque licere, non timere, eligentes impuritatem cordis sui deum contentis & non uidentis. Amantes uero, oculos illuminatos habentes & deum cognoscentes, uident, quod pura res sit timor domini, quod nihil negligat, qui timet dominum, & declinet a peccato, delectatur in hac puritate, quia & ipse sic sentit, ut timor exigit, factus concors per omnia.

Quartum autem, unde timor inter leges & precepta numeretur, & non potius uel aequae amor. Nescio quid dicam, Conabor tamen, Quia solus amor est, qui legem & ea quae lex operatur, facit salutaria & bona: Lex autem potissimum suscitatur timorem dei, ut Exo. xix. monstratur in filijs Israel coram monte Sinai & in omnibus, qui exactrice & comminatrice lege redeunt ad cor, & compunguntur. Hic timor, quia foris est & extra uoluntatem, sicut & lex quae eundem suscitauit, id est, non amatur, ideo non suo, sed uoluntatis uisio impurus est, ubi autem amatus fuerit, purificatur: Tunc enim timet deum, sicut & amans uoluntas desiderat, factus eidem concors per omnia. Amor enim delectatur, si deum timeri uideat, id quod lex non solum iubet, sed & facit. Cum ergo hic de timore dei, quem lex suscitatur, loquatur, qui amatus, est purus, oditus, est impurus, non male inter legis nomina censetur, immo & ipse uideatur esse, lex literae, cum reuera litera legis non cognoscatur, nisi uerita conscientia a facie legis & lege quodammodo in timorem terribilem uersa, sicut mons Sinai, figura legis demonstrat.

Decimum, Permanens in aeternum. Sicut enim lex per amorem impleta, fit aeternus in aeternum, ita & timor e lege natus, dum amore imbuitur, aeternus fit. Atque ut lex, dum non amatur nec impletur, temporalis est, & saepius obliuioni traditur, ita timor quoque, nisi ametur, temporalis ad horam manet, & nunquam firmus

M m iij nec

nec uerus est. Inde hypocritis illis, timor iste permanet ficte, permanet enim ad horam externa specie. Apud odientes uero, nunquam est nedum permanet, quia nunquam eum in cor admittunt, neque amant & sic timētes deum semper magis & magis cōtemnunt, unde & magis impuriore sunt, qui enim nō uolens timet, bis cōtemnit. Amantes uero, quia uolēter timent, id quod lex præcipit, inzertum & stabiliter timent & legi per omnia conueniunt.

Vndecimum, Iudicia domini uera. Hæc iudicia, intelligi possunt, immo debent, tam ipsa lex, quam id quod efficit in nobis: Sic enim lex domini, iudicium domini uocatur ab officio suo, quia iudicat & damnat carnem, seu ueterem hominem decernit, & ea quæ ad mortificandam carnem pertinent, inde & iudicia quoque recte dicuntur. Vniuersæ aduersitates, quæ ueterem hominem occidunt, ut legi satisfiat, Nam sicut lex, si nō docet, nec intelligitur, ne lex quidem dici debet, & testimonium, si nō cognoscitur & sentitur, ne testimonium quidem est, ubi enim non mouetur animus hominis uerbo legis, narrabitur surdo fabula, sicut contingit in hypocritis insensatis, uerbum legis contemnentibus. Ita iudicium, nisi sentiat in effectu mortificandæ carnis, nec iudicium dici debet. Quare ut lex, dum terret, timorē domini suscitatur, ita dum iudicat, carnem mortificat, recteque sequitur iudicium timorē, ut impiæ carni accidat, quod timet, timet autem iudicium legis, quo cum iudicata fuerit & mortificata, nouus homo, qui intus est per fidē natus, iudicium istud amat & laudat, fitque iudicium, quod ante in carne erat molestum.

Hypocritæ itaque, qui iudicia domini ignorant, omnia tamen simulant, bis uani sunt, dum nunquam ex animo iudicari & humiliari uolunt, omnium tamen se humilimos & uilissimos, & uera iudicia domini iactant. Odientes uero & ista uera esse non negent, sibi tamen uera non sunt, quia ueraces per ea non sunt, hoc est iudicari nolunt per ea, nec mortificari, malentque non esse. Amantibus autem, uera intelliguntur & sunt, qui illud Daniel, iij. cantant domino: Omnia quæ fecisti nobis domine, in uero iudicio fecisti. Nō enim percutit quemquam uane & frustra, cum sit in carne semper, quod uere iudicio & morte dignum est, id est, peccatum.

Duodecimum, Iusta in semetipsa. Hebraum enim uerbum absolutum est *dek*, id est, iusta sunt. In semetipsa eadem dictio est, quæ psal. iij. In idipsum, dicitur, In pace in idipsum, quæ collectiue & aggregatiue significationis est, ut in semetipsa sit idem, quod omnia simul seu omnia in unum, ut sit sensus: Iudicia domini, iusta sunt omnia, quod dicitur, quia cū sint iudicia uera & habeant in carne, quod iudicent, iuste iudicant eam, ac per hoc ipsi, iustificant amantes ea, & qui agnoscunt ea esse iusta, Odientibus uero iniusta sunt, quia nec per ea uolūt iustificari, Hypocritis autem fictæ iusta sunt, iustificant enim eos, sed nō omnia, quæ enim ipsi elegerint, his uolūt iudicari & iustificari.

Id obserua, quod numero plurali, Iudicia dicit, & addit omnia, seu simul ipsa, magnus necesse est amor sit, qui iudicia domini amat, quæ multa & uaria sunt, dum abundant passionēs Christi in nobis, Deinde omnibus tribuere iusticiam arduum est, Vbi perseverantia amoris indicatur: Sūi sane quæ plurimi, qui unum aliquod iudicium domini, sine murmure portant & iustificent, plures qui multa portant & uaria, sed pauci qui omnia, & quæ uelut sine fine augentur & in idipsum quotidie cumulantur, cum gaudio & laude portant, hi enim sunt, qui gloriantur in tribulationibus & omne gaudium existimant, cū in tentationes uarias inciderint, id quod uersu sequente docet.

Desiderabilia